

P. 591, L. -2【頓漸二化】「化儀四教」：頓、漸、祕密、不定。

P. 592, L. 2【歷別修行】「三種三觀」：(1)別相三觀：即歷別觀於三諦也。謂若從假入空，但得觀真，尚不得觀俗，豈得觀中道？若從空入假，但得觀俗，未得觀中道。若入中道正觀，方得雙照二諦，是名別相三觀。(2)通相三觀：即於一觀中圓解三諦也。謂若從假入空，非但知俗假是空，真諦、中道亦通是空；若從空入假，非但知俗假是假，真諦、中道亦通是假；若入中道正觀，非但知中道是中，俗假、真空亦通是中。但以一觀當名，解心皆通，是名通相三觀。(3)一心三觀：即於一念心而能圓觀三諦也。謂觀一念心，為從何處來？去至何所？畢竟無有，淨若虛空，名空觀。能觀之觀，所觀之境，歷歷分明，名假觀。雖歷歷分明而性常自空，空不定空，假不定假，名中觀。即三而一，即一而三，是名一心三觀。～《三藏法數》、《宗鏡錄》

P. 592, L. -5【吉祥草】屬禾本科茅類。學名 *Poa Cynosuroides*。音譯姑奢、矩尸、俱舒、固沙。意譯為上茅、茅草、香茅、吉祥茅、犧牲草。生於濕地或栽培於水田中，係一年或多年生草本，高約六十餘公分。其莖剛直平滑，叢生，葉則居莖之下方，狀細長，鞘口有毛。產地分布於印度、緬甸、敘利亞、非洲等地。關於其命名由來，或謂係釋尊於菩提樹下成道時，敷此草而坐；或謂此草乃吉祥童子為釋尊所鋪；或謂有一名為吉祥者，獻此草予釋尊。在印度，自古視此草為神聖象徵。每行諸種儀式，即編之成蓆，上置種種供物。而行者亦往往於空閑寂靜處和清淨房中以之為坐臥之具。～《中華佛教百科全書》

P. 592, L. -5【三十四心】【三十四心斷結成道】即以三十四種剎那之心斷盡煩惱而成就佛道。略稱三十四心。三藏教菩薩，扶惑潤生，歷劫具修六度梵行，饒益有情，最後至菩提樹下，一念相應，慧發真無漏智時，以八忍、八智(見道十六心)、九無礙、九解脫(真無漏慧十八心)頓斷見思習氣而成正覺，故稱三十四心斷結成道。

P. 592, L. -4【處摩耶胎】《大智度論》卷 50：「處胎成就者，有人言：菩薩乘白象，與無量兜率諸天圍遶、恭敬、供養、侍從，入母胎。有人言：菩薩母得如幻三昧力故，令腹廣大無量，一切三千大千世界菩薩及天龍鬼神皆得入

出；胎中有宮殿、臺觀，先莊嚴床座，懸繒幡蓋，散花，燒香，皆是菩薩福德業因緣所感，然後菩薩來下處之。亦以三昧力故，下入母胎，於兜率天上如故。」(T25,pp.418c28-419a6)

P. 593, L. 2【二始同時】《天台四教儀集註》卷 2：「次為三乘根性。於頓無益。故不動寂場而游鹿苑。脫舍那珍御之服。著文六弊垢之衣。」(P189,p.30a1-2)  
《四教儀註彙補輔宏記》卷 1：「【註】於頓無益。此三乘人。於華嚴座。不信不解。是故如來。不動寂場。而遊鹿苑。此顯雙垂兩相。二始同時也。【記】華嚴出現品曰。一切二乘。不聞此經。何況受持。又言。設有菩薩於無量劫。行六波羅密。不聞此經。或聞而不信。不解。不順。不入。不名真實菩薩。故列於非器也。不動寂場而游鹿苑者。如來神力不共。隨機應現。寂場說頓教之始。即鹿苑說漸教之始。非前非後。故言雙垂兩相也。」(X57,p.699 a6-13)

P. 593, L. -5【五味】乳味、酪味、生酥味，熟酥味、醍醐味。諸經論每用以比喻根機（人）或教法（法）之差別次第，如北本《大般涅槃經》卷十謂，聲聞如乳，緣覺如酪，菩薩如生、熟酥，諸佛世尊猶如醍醐。其用以比喻教法者，如北本《大般涅槃經》卷十四·聖行品：「譬如從牛出乳，從乳出酪，從酪出生酥，從生酥出熟酥，從熟酥出醍醐。醍醐最上，若有服者眾病皆除，所有諸藥悉入其中。善男子！佛亦如是，從佛出生十二部經，從十二部經出修多羅，從修多羅出方等經，從方等經出般若波羅蜜，從般若波羅蜜出大涅槃，猶如醍醐，言醍醐者，喻於佛性，佛性者即是如來。」此段經文從劉宋慧觀、蕭齊劉虯以來，皆用以譬喻佛陀一代說教之次第，然諸家之解釋有種種異同。天台以五味配五時，譬如五時教之逐漸產生，稱為「約教相生」；而以五味之有濃淡比喻根機之利鈍，稱為「約機濃淡」。～《佛光大辭典》

P. 593, L. -3【己身、他身】「本生」，梵語 jātaka，巴利語同，音譯作闍多伽、闍陀伽、社得迦，意譯本起、本緣、本生譚、本生談。主要記述釋迦於過去世受生為各種不同身形及身分而行菩薩道之故事。其中亦含不少關於彌勒等諸弟子及阿彌陀等諸佛之本生故事。「本事」梵語 iti-vṛttaka，音譯伊帝曰多伽、伊帝目多伽、伊帝越多伽，即「如是之事」，譯作出因緣、本事經、本事說，乃敘述佛陀及佛弟子在過去世之因緣事蹟。～《佛光大辭典》

P. 594, L. 4【法性大幻三昧】《大智度論》卷 97：「如幻威勢三昧者，得是三昧者，能種種變化身。如大幻師，能引導眾生發希有心；如大幻師，以幻力故，能轉一國人心。」(T25,pp.736c28-737a2)如來圓滿徹證法性，故所證之「如幻三昧」，量等法界，是故言「法性」、言「大幻」；以幻力故，能轉所有眾生心。

P. 594, L. 9【如實知見】如，契合之義；實，真實之義。如「實相」之知見，稱為如實知見。亦即指契合於真實道理之知見。據《法華經·壽量品》載，如來如實知見三界之相。另據《大日經疏》卷一載，一切諸佛如法實相知解，亦如法實相為眾生解說，故稱如實知者，又稱如實說者。～《佛光大辭典》

P. 594, L. -6【不如三界見於三界】《法華經大成》卷 7：「如實知見者。即是實智如理而照三界之實。實無三界之因相也。無有生死者。無有二種生死之苦果也。若退出者。有五住集名退。有二死果名出。結上二句因果也。亦無在世等者。亦無在生死之世。及入涅槃之滅。此二俱滅。故云亦無。非實虛者。非於滅度之實。非於生死之虛也。非如異者。非於出世之真如。非於世間之隔異。以六道眾生見三界為異。異即有也。三乘見三界為如。如即空也。佛見三界非如非異。雙照如異。即中道也。不如三界等者。如同也。佛具權實二智。必不同彼二種三界。凡小所見三界之相也。」(X32,p.499a20-b6)

《法華經授手》卷 8：「三界之相一句為總。則如來於諸相中。皆以佛眼。如實知見。無有錯謬。三界眾生。有分段變易二種生死。如來見知則無也。二乘有退出之心。有在世滅度之想。如來見知則無也。故楞嚴云。如來自住三摩地中。見與見緣。并所想相。如虛空華。本無所有。此以中道智。會歸三界。非實非虛。直指云。已上明所示三事。皆是真常湛寂。總結歸真俗一如。為理事無礙法界。如來既知三界聖凡生死涅槃總皆如幻。是無有矣。應不必示生示滅。說己說他。如上三事。又何為而設耶。須知三界之相。雖則非實。而又非虛。六道眾生不達其非異。而視之為異。二乘聲聞不識其非如。而見之為如。既虛實同異之見不忘。又不得不行施設也。以如來智力觀之。虛實之相不可得。同異之相亦不可得。原不似三界人之幻妄知見。則如斯所有生死涅槃。虛實同異。故如來明見皆無錯謬。所以於無生示生。非滅現滅。至于說己說他。皆實不虛也。明見二字。即根本智。該攝五眼。」(X32,pp.766c22-767a17)

2022/3/01

P. 595, L. 5 【如斯之事】妙真諦、妙俗諦，如理智、如量智

即生死 無有生死	無有退、 無有出	無在世、 無滅度	非實、 非虛	非如、 非異
無有生死 而妄見生死	妄見退、 妄見出	妄見在世、 妄見滅度	妄見實、 妄見虛	妄見如、 妄見異

即俗而真之事	如理智	隨智說	隨自意語	開權顯實	開迹顯本
即真而俗之事	如量智	隨情說	隨他意語	為實施權	為本垂迹